

多羅三藐三菩提心入阿蘭若爲無上道修習如是菩薩願行於大菩提得不退轉如是發心無量衆生命終上生觀史天宮得見汝身無邊福智之所莊嚴超越生死證不退轉於當來世大寶龍華菩提樹下得阿耨多羅三藐三菩提

尔時世尊說是法時二萬五千新發意菩薩於菩提行將欲退轉聞如是法發堅固心超十信位至第六位三萬八千淨行婆羅門求斷邪見得大法忍及陀羅尼七萬六千人皆發無等等阿耨多羅三藐三菩提心

大乘本生心地觀經卷第七

刻七

大乘本生心地觀經卷第八

刻八

大唐罽賓國三歲般若等譯

觀心品第十

尔時文殊師利菩薩摩訶薩即從座起整衣服偏袒右肩右膝著地曲躬合掌白佛言世尊如佛所說告妙德等五百長者我爲汝等敷演心地微妙法門而此道場無量無邊人天大衆皆生渴仰我今爲是啓問如來云何爲心云何爲地惟願世尊無緣大慈無礙大悲爲諸衆生分別演說未離苦者令得離苦未安樂者令得安樂未發心者令得發心未證果者令得證果同於一道而得涅槃

尔時薄伽梵以無量劫中修諸福智所獲清淨決定勝法大妙智印印文殊師利言善哉善哉汝今真是三世佛母一切如來在修行地皆曾引導初發信心以是因緣十方國土成正覺者皆以文殊而爲其母然今汝身以本願力現菩薩相請問如來不思議法諦聽

諦聽善思念之吾當普為分別解說唯然世尊我等樂聞

尔時薄伽梵妙善成就一切如來最勝住持平等性智種種希有微妙功德已能善獲一切諸佛決定勝法大乘智印已善圓證一切如來金剛秘密殊勝妙智已能安住無礙大悲自然救攝十方有情已善圓滿妙觀察智不觀而觀不說而說是薄伽梵告諸佛母無垢大聖文殊師利菩薩摩訶薩言大善男子此法名為十方如來最勝秘密心地法門此法名為一切凡夫入如來地頓悟法門此法名為一切菩薩趣大菩提真實正路此法名為三世諸佛自受法樂微妙寶宮此法名為一切饒益有情無盡寶藏此法能引諸菩薩衆到色究竟自在智處此法能引諸菩提樹後身菩薩真實導師此法能雨世出世財如摩尼寶滿衆生願此法能生十方三世一切諸佛功德本源此法能銷一切衆生諸惡業

果此法能與一切衆生所求願印此法能度一切衆生生死險難此法能息一切衆生苦海波浪此法能救苦惱衆生而作急難此法能竭一切衆生老病死海此法善能出生諸佛因緣種子此法能與生死長夜為大智炬此法能破四魔兵衆而作甲冑此法即是正二刻心八勇猛軍戰勝旌旗此法即是一切諸佛無上法輪此法即是最勝法幢此法即是擊大法鼓此法即是吹大法螺此法即是大師子王此法即是大師子吼此法猶如國大聖王善能正治若順王化獲大安樂若違王化尋被誅滅善男子三界之中以心為主能觀心者究竟解脫不能觀者地生如是心法生世出世善惡五趣有學無學獨覺菩薩及於如來以是因緣三界唯心心名為地一切凡夫親近善友聞心地法如理觀察如說修行自作教佗讚勵慶慰如是之人能斷二障速圓衆行疾得阿耨多羅三藐三菩提

行疾得阿耨多羅三藐三菩提

尔時大聖文殊師利菩薩白佛言世尊如佛所說唯將心法為三界主心法本元不染塵穢云何心法染貪瞋癡於三世法誰說為心過去心已滅未來心未至現在心不住諸法之內性不可得諸法之外相不可得諸法中間都不可得心法本來無有形相心法本來

無有住處一切如來尚不見心何況餘人得見心法一切諸法從妄想生以是因緣今者世尊為大衆說三界唯心願佛哀愍如實解說

余時佛告文殊師利菩薩言如是如是善男子如汝所問心心八心所法三本性空寂我說衆喻

以明其義善男子心如幻法由徧計生種種心想受苦樂故心如水流念念生滅於前後世不整住故心如大風一刹那間歷方所故心如燈焰衆緣和合而得生故心如電光須臾之頃不久住故心如虛空客塵煩惱所覆障故心如猿猴遊五欲樹不整住故心如畫

師能盡世間種種色故心如僮僕為諸煩惱所榮役故心如獨行無第二故心如國王起種種事得自在故心如怨家能令自身受大苦故心如埃塵空汚自身生雜穢故心如影像於無常法執為常故心如幻夢於我法相執為我故心如夜又能取種種功德法故心

如青蠅好穢惡故心如殺者能害身故心如敵對常伺過故心如盜賊竊功德故心如大鼓起鬪戰故心如飛蛾愛燈色故心如野鹿逐假聲故心如羣猪樂雜穢故心如衆蜂集蜜味故心如醉象耽牝觸故善男子如是所說心心所法無內無外亦無中間於諸法中

求不可得去來現在亦不可得超越三世非有非無常懷染著從妄緣現緣無自性心性空故如是空性不生不滅無來無去不一不異非斷非常本無生處亦無滅處亦非遠離非不遠離如是心等不異無為無為之體不異心等心法之體本不可說非心法者亦不

可說何以故若無為是心即名斷見若離心  
 法即名常見未離二相不著二邊如是悟者  
 名見真諦悟真諦者名為賢聖一切賢聖性  
 本空寂無為法中戒無持犯亦無大小無有  
 心王及心所法無苦無樂如是法界自性無  
 垢無上中下差別之相何以故是無為法性

平等故如衆河水流入海中盡同一味無別  
 相故此無垢性非實非虛此無垢性是第一  
 義無盡滅相體本不生此無垢性常住不變  
 最勝涅槃我所淨故此無垢性遠離一切平  
 等不平等體無異故若有善男子善女人欲  
 求阿耨多羅三藐三菩提者應當一心修習  
 刻心入

如是心地觀法今時世尊欲重宣此義而說  
 偈言  
 三世覺母妙吉祥  
 我今於此大會衆  
 此法難遇過優曇  
 十方諸佛證大覺

請問如來心地法  
 問演成佛觀行門  
 一切世間應渴仰  
 無不從此法修成

我是無上調御師  
 化度無量諸衆生  
 一切有情聞此法  
 一切有緣得記人  
 諸佛自受大法樂  
 受職菩薩悟無生

後身菩薩坐覺樹  
 此法能雨七聖財  
 此法名為佛本母  
 此法名為金剛甲  
 此法能作大舟舩  
 此法最勝大法鼓

此法金剛大法螺  
 此法猶如大聖主  
 此法猶如沃潤田  
 我以衆喻明空義  
 心有大力世界生  
 惡想善心更造集  
 刻心入

轉正法輪周世界  
 當知由悟心地觀  
 欣趣菩提得授記  
 修此觀門當作佛  
 住心地觀妙寶宮  
 觀心地門徧法界

入此觀行證菩提  
 滿衆生願摩尼寶  
 出生三世三佛身  
 能敵四衆諸魔軍  
 今渡中流至寶所  
 此法高顯大法幢

此法照世大法炬  
 賞功罰過順人心  
 生成長養依時候  
 是知三界唯一心  
 自在能為變化主  
 過現未來生死因  
 五

依止妄業有世間  
心如流水不整住  
亦如猿猴依樹戲  
如空飛鳥無所礙  
如是心法本非有  
若能觀心體性空

愛非愛果恒相續  
心如飄風過國土  
亦如幻事依幻成  
如空聚落人奔走  
凡夫執迷謂非無  
惑障不生便解脫

尔時如來於諸衆生起大悲心猶如父母愛  
念一子爲滅世間大力邪見利益安樂一切  
有情宣說觀心陀羅尼曰

唵一室佉二波羅合底三吠憚四迦盧弭五

尔時如來說真言已告文殊師利菩薩摩訶  
薩如是神呪具大威力若有善男子善女人  
持此呪時舉清淨手左右十指更互相叉以  
左押右更相豎握如縛著形名金剛縛印成  
此印已習前真言盈滿一徧勝於讀習十二  
部經所獲功德無有限量乃至菩提不復退  
轉  
大乘本生心地觀經發菩提心品第十一

尔時薄伽梵已能善獲一切如來灌頂寶冠  
超過三界已得圓滿陀羅尼自在已善圓證  
三摩地自在妙善成熟一切智智一切種智  
能作有情種種差別是薄伽梵爲諸衆生宣  
說觀心妙門已告文殊師利菩薩摩訶薩言  
大善男子我爲衆生已說心地亦復當說發  
菩提心大陀羅尼今諸有情發阿耨多羅三  
藐三菩提心速圓妙果

尔時文殊師利菩薩白佛言世尊如佛所說  
過去已滅未來未至現在不住三世所有一  
切心法本性皆空彼菩提心說何名發善哉  
世尊願爲解說斷諸疑網今趣菩提

佛告文殊師利善男子諸心法中起衆邪見  
爲欲除斷六十二見種種見故心心所法我  
說爲空如是諸見無依止故譬如叢林蒙密  
茂盛師子白象虎狼惡獸潛住其中毒發害  
人迫絕行跡時有智者以火燒林因林空故  
諸大惡獸無復遺餘心空見滅亦復如是又  
列心八  
六

善男子以何因緣立空義耶為滅煩惱從妄心生而說是空善男子若執空理為究竟有空性亦空執空作病亦應除遣何以故若執空義為究竟者諸法皆無因無果路伽耶陀有何差別善男子如阿伽陀藥能療諸病若有病者服之必差其病既愈藥隨病除無病服藥藥還成病善男子本設空藥為除有病執有成病執空亦然誰有智者服藥取病善男子若起有見勝起空見空治有病無藥治空善男子以是因緣服於空藥除邪見已自覺悟心能發菩提此覺悟心即菩提心無有二相善男子自覺悟心有四種義云何為四

謂諸凡夫有二種心諸佛菩薩有二種心善男子凡夫二心其相云何一者眼識乃至意識因緣自境名自悟心二者離於五根心心所法和合緣境名自悟心善男子如是二心能發菩提善男子賢聖二心其相云何一者觀真實理智二者觀一切境智善男子如是

四種名自悟心

爾時文殊師利菩薩白佛言世尊心無形相亦無住處凡夫行者最初發心依何等處觀何等相佛言善男子凡夫所觀菩提心相猶如清淨圓滿月輪於宵臆上明朗而住若欲速得不退轉者在阿蘭若及空寂室端身正刻心入

念結前如來金剛縛印冥目觀察臆中明月作是思惟是滿月輪五十由旬無垢明淨內外澄澈最極清涼月即是心心即是月塵翳無滌妄想不生能令衆生身心清淨大菩提心堅固不退結此手印持念觀察大菩提心微妙章句一切菩薩最初發心清淨真言

唵一善地二室多三年致波四陀耶五弭六此陀羅尼具大威德能令行者不復退轉去來現在一切菩薩在於因地初發心時悉皆專念持此真言入不退地速圓正覺善男子時彼行者端身正念都不動搖繫心月輪成熟觀察是名菩薩觀菩提心成佛三昧若有

凡夫修此觀者所起五逆四重十惡及一闡提如是等罪盡皆消滅即獲五種三摩地門云何為五一者剎那三昧二者微塵三昧三者白縷三昧四者起伏三昧五者安住三昧云何名為剎那三昧謂臆想念滿月而住譬如獼猴身有所繫遠不得去近不得停唯困

飢渴須臾住止凡夫觀心亦復如是臆得三昧名為剎那云何名為微塵三昧謂於三昧少分相應譬如有人常自食苦未曾食甜於一時中得一虛蜜到於舌根增勝歡喜倍生踊躍更求多蜜如是行者經於長劫食眾苦味而今得與甘甜三昧少分相應名為微塵云何名為白縷三昧謂凡夫人自無始時盡未來際今得此定譬如滌皂多黑色中見一白縷如是行者於多生死黑闇夜中而今方得白淨三昧名之為縷云何名為起伏三昧所謂行者觀心未熟或善成立未善成立如是三昧猶稱低昂名為起伏云何名為安住

三昧修前四定心得安住善能守護不染諸塵如人夏中遠涉沙磧備受炎毒其心渴乏殆無所堪忽得雪山甘美之水天酥陀等頓除熱惱身意泰然是故三昧名為安住入此定已遠離惑障發生無上菩提之芽速登菩薩功德十地

尔時會中無量人天聞此甚深諸菩薩母不可思議大陀羅尼已九萬八千諸菩薩等證歡喜地無量眾生發阿耨多羅三藐三菩提心

大乘本生心地觀經成佛品第十二

尔時薄伽梵能善安住清淨法界三世平等無始無終不動凝然常無斷盡大智光明普照世界善巧方便變現神通化十方土靡不周遍是薄伽梵告文殊師利菩薩摩訶薩言瑜伽行者觀月輪已應觀三種大秘密法云何為三一者心秘密二者語秘密三者身秘密云何名為心秘密法瑜伽行者觀滿月中

出生金色五鈷金剛光明煥然猶如鎔金放於無數大白光明以是觀察名心秘密云何名爲語言秘密

唵一地室多合婆舍羅二合

此陀羅尼具大威力一切菩薩成佛其言是故名爲語言秘密云何名爲身秘密法於道

場中端身正念手結引導無上菩提最第一

印安置肖臆心月輪中善男子我當爲汝說

其印相先以左右二大拇指各入左右手掌

之內各以左右頭指中指及第四指緊握拇

指作於手拳即是堅牢金剛拳印次不改拳

舒左頭指直豎虛空以其左拳著於心上右

刻心八

九

拳小指緊握左拳頭指一節次以右拳頭指

之頭即指右拳拇指一節亦著心前是名引

導無上菩提第一智印亦名能滅無明黑闇

大光明印以結此印加持力故十方諸佛摩

行者頂受大菩提勝決定記是大毗盧遮那

如來無量福聚大妙智印

爾時行者結此印已即作此觀一切有情共

結此印持念真言十方世界無三惡道八難

苦果同受第一清淨法樂我今首上有大寶

冠其天冠中五佛如來結跏趺坐我是毗盧

遮那如來圓滿具足三十二相八十種好放

大光明照十方界利益安樂一切衆生如是

觀察名入毗盧遮那如來最勝三昧譬如

有人悟迦盧微妙觀門自作是觀我身即是金

翅鳥王心意語言亦復如是以此觀力能消

毒藥一切惡毒不能爲害凡夫行者亦復如

是作降伏坐身不動搖手結智印密念真言

心入此觀能滅三毒消除業障增長福智世

出世願速得圓滿八萬四千諸煩惱障不能

現起恒河沙等所知重障漸漸消滅無漏大

智能斷金剛般若波羅蜜現前圓滿速得阿

耨多羅三藐三菩提

爾時文殊師利菩薩白佛言希有世尊希有

善逝如來出世過優曇華假使出世說是法



難如是心地三種秘密無上法輪實能利樂一切衆生入如來地及菩薩地真實正路若有衆生不惜身命修行此法速證菩提

今時佛告文殊師利菩薩言若有善男子善女人欲得修習三種秘密成佛妙門早獲如來功德身者當著菩薩三十二種大金剛甲

修此妙觀必證如來清淨法身云何名為三十二甲一者於無量劫爲衆生故不厭生死受苦大甲二者誓度無量有情乃至螻蛄不捨大甲三者覺悟衆生生死長夢安置三種秘密大甲四者擁護佛法於一切時猶如響應護法大甲五者永滅能起有無二見一切

煩惱金剛大甲六者頭目髓腦妻子珍寶有來求者能捨大甲七者家中所受一切樂具永不貪著能施大甲八者能持菩薩三聚淨戒及不捨離頭陀大甲九者著忍辱衣遇諸違緣毀罵鞭打不報大甲十者教化所有一切緣覺聲聞令趣一乘迴心大甲十一者譬

如大風晝夜不歇度諸有情精進大甲十二者身心寂靜口無過犯修行解脫三昧大甲十三者生死涅槃無有二見饒益衆生平等大甲十四者無緣大慈利益群品恒無厭捨與樂大甲十五者無礙大悲救攝一切無有限量拔苦大甲十六者於諸衆生無有怨結

恒作饒益大喜大甲十七者雖行苦行不憚劬勞恒無退轉大捨大甲十八者有苦衆生來菩薩所代彼受苦不厭大甲十九者如觀掌中阿摩勒果如是能見解脫大甲二十者見五蘊身如旃陀羅損害善事無著大甲二十一者見十二入如空聚落常懷恐怖厭捨

大甲二十二者見十八界猶如幻化無有真實大智大甲二十三見一切法同於法界不見衆相證真大甲二十四者掩佗人惡不歲已過厭離三界出世大甲二十五者如大醫王應病與藥菩薩隨宜演化大甲二十六者見彼三乘體本不異究竟迴心歸一大甲

二十七者紹三寶種使不斷絕轉妙法輪度  
人大甲二十八者佛於衆生有大恩德爲報  
佛恩修道大甲二十九者觀一切法本性空  
寂不生不滅無垢大甲三十者悟無生忍得  
陀羅尼樂說辯才無礙大甲三十一者廣化  
有情坐菩提樹令證佛果一味大甲三十二

者一刹那心般若相應悟三世法無餘大甲

是名菩薩摩訶薩三十二種金剛大甲

文殊師利菩薩若有善男子善女人身被如  
是金剛甲冑當勤修習三種秘密於現世中  
具大福智速證無上正等菩提

尔時大聖文殊師利菩薩摩訶薩及諸大衆

聞佛所說三種秘密心地妙法及三十二金  
剛甲冑一切菩薩所應學處各脫無價瓔珞  
寶衣供養毗盧遮那如來及十方尊而讚佛  
言善哉善哉薄伽梵演說無邊菩薩行願利  
益安樂一切衆生捨凡夫身使入佛地今者  
我等海會大衆爲報佛恩不惜身命爲諸衆

生徧諸佛土分別演說此微妙法受持讀誦  
書寫流布令不斷絕惟願如來遙垂護念  
尔時大會聞此妙法得大饒益不可稱計無  
數菩薩各得證悟不退轉位一切人天皆獲  
勝利乃至五趣一切有情斷諸重障得無量  
樂悉皆當得阿耨多羅三藐三菩提

大乘本生心地觀經囑累品第十三

尔時釋迦牟尼如來告文殊師利菩薩等阿  
僧祇海會大衆言我於無量那由多百千大  
劫不惜身命頭目手足血肉骨髓妻子國城  
一切珍寶有來求者悉用布施修習百千難  
行苦行獲證大乘心地觀門今以此法付囑  
汝等當知此甚深經十方三世無上十力之  
所宣說

如是經寶最極微妙能爲有情一切利樂於  
此三千大千世界十方諸佛國土之中所有  
無邊諸有情類傍生餓鬼地獄衆生由此大  
乘心地觀經殊勝功德威神之力令離諸苦  
刻心八  
十二

得受安樂如是經力福德難思能令所在國土豐樂無諸怨敵

譬如有人得如意珠置於家中能生一切殊妙樂具此妙經寶亦復如是能與國界無盡安樂亦如三十三天末尼天鼓能出種種百千音聲令彼天衆受諸快樂

此經法鼓亦復如是能令國界最勝安樂以是因緣汝等大衆住大忍力流通此經爾時文殊師利菩薩白佛言世尊希有如來希有善逝乃說甚深大乘微妙心地觀經能廣利益大乘行者唯然世尊實爲深妙若有善男子善女人能持此經乃至一四句偈如是之人得幾所福

爾時薄伽梵告文殊師利菩薩言若有善男子善女人於恒河沙三千大千世界滿中七寶以用供養十方諸佛爲一一佛造立精舍七寶莊嚴安置供養佛及菩薩滿恒沙劫彼諸如來所有無量聲聞弟子亦以供養一切

所須如供養佛等無差別如是諸佛及聲聞等般涅槃後起大寶塔供養舍利若善男子善女人整聞信解此心地經一四句偈發菩提心受持讀念解說書寫乃至極少爲一人說以彼種種供養功德比此說經所獲功德十六分中不及其一乃至算數譬喻所不能

刻心八

十三

及況能具足受持讀習廣爲人說所得福利不可限量若有女人發菩提心受持讀習書寫解說此心地經如是女人爲最後身更不復受不墮惡道八難之處於現身中感得十種勝利之福一者增益壽命二者除衆煩惱三者能滅業障四者福智倍增五者不乏資財六者皮膚潤澤七者爲人愛敬八者得孝養子九者眷屬和睦十者善心堅牢文殊師利在在處處若讀若諷若解說若書寫經卷所住之處即是佛塔一切天人非人等應以人中天上上妙珍寶而供養之所以者何若此經典所在之處即爲有佛及諸菩薩緣覺

聲聞何以故一切如來修行此經捨凡夫已  
 得阿耨多羅三藐三菩提一切賢聖皆從此  
 經得解脫故文殊師利我涅槃後後五百歲  
 法欲滅時若有法師受持讀習解說書寫此  
 心地經衆經中王如是法師與我無異若有  
 善男子善女人供養尊重此法師者即爲供  
 養十方三世一切諸佛所得福德平等無二  
 是名眞法供養如來如是名爲正行供養所  
 以者何是大法師在無佛時爲濁惡世邪見  
 有情演說甚深心地經王使離惡見趣菩提  
 道廣宣流布令法久住如是名爲無相好佛  
 一切人天所應供養若有善男子善女人合  
 掌恭敬此法師者我受無上大菩提記是人  
 當得阿耨多羅三藐三菩提若人得聞此心  
 地經爲報四恩發菩提心若自書若使人書  
 若讀念通利如是人等所獲福德以佛智力  
 籌量多少不得其邊是人名爲諸佛眞子一  
 切諸天梵王帝釋四天王訶利底母五百

眷屬你羅跋多大鬼神王龍神八部一切聽  
 法諸鬼神等晝夜不離常當擁護如是佛子  
 增長念慧與無礙辯教化衆生今種佛因文  
 殊師利如是善男子善女人臨命終時現前  
 得見十方諸佛三業不亂初獲十種身業清  
 淨云何爲十一者身不受苦二者目睛不露  
 三者手不掉動四者足無伸縮五者便溺不  
 遺六者體不汗流七者不外捫摸八者手拳  
 舒展九者顏容不改十者轉側自如由經力  
 故有如是相次獲十種語業清淨云何爲十  
 一者出微妙語二者出柔輭語三者出吉祥  
 語四者出樂聞語五者出隨順語六者出利  
 益語七者出威德語八者不背眷屬九者人  
 天敬愛十者讚佛所說如是善語皆由此經  
 次獲十種意業清淨云何爲十一者不生瞋  
 恚二者不懷結恨三者不生慳心四者不生  
 妬心五者不說過惡六者不生怨心七者無  
 顛倒心八者不貪衆物九者遠離七慢十者

疾欲證得一切佛法圓滿三昧文殊師利如是功德皆由受持讀習通利解說書寫深妙經典難思議力此心地經於無量處於無量時不可得聞何況得見具足修習汝等大會一心奉持速捨凡夫當成佛道今時文殊師利法王子等無量大菩薩智光菩薩等新發意菩薩阿若憍陳如等諸大聲聞天龍八部人非人衆各各一心受持佛語皆大歡喜信受奉行

古真行書刻

大乘本生心地觀經卷第八

目

刻